

28. april 2010

UPA 2010/91

**Isumaginninnermi perorsaasutut ilinniarneq pillugu Inatsisartut peqqussutaata
allanngortinnissaa pillugu Inatsisartut inatsisissaattut siunnersuut
(Aalajangersimasumik ukioqarnissamik piumasaqaatit atorunnaarsinnerat
aamma maalaaruteqarnissamut piffissaliussamik erseqqissaaneq)**

pillugu

**Kultureqarnermut, Ilinniartitaanermut, Ilisimatusarnermut Ilageeqarnermullu
Ataatsimiititaliap**

ISUMALIUTISSIISSUTAA

**Peqqussutissatut siunnersuutip aappassaaneerpeqarnerani
saqqummiunneqartoq**

Kultureqarnermut, Ilinniartitaanermut, Ilisimatusarnermut Ilageeqarnermullu
Ataatsimiititaliaq suliarinninnermini ukuninnga inuttaqarpoq:

Harald Bianco, Inuit Ataqtigiit
Debora Kleist, Inuit Ataqtigiit
Andreas Uldum, Demokraatit
Malik Berthelsen, Siumut
Knud Kristiansen, Atassut

UPA 10-mi ulloq 13. april 2010-mi siullermeerinerup kingorna siunnersuut
Kultureqarnermut, Ilinniartitaanermut, Ilisimatusarnermut Ilageeqarnermullu
Ataatsimiititaliap misissorpaa.

Siunnersuutip imarisaa

Siunnersuutikkut siunertarineqarpoq:

1. Ilinniartut 20-t inorlugit ukiullit ilinnialernissamut piumasaqaatinik
naammassinnissimagunik isumaginninnermi perorsaasutut ilinniartitaanermik

aallartitsinissamut akuerineqarsinnaaqqullugit ilinnialernissamik akuerineqarnissamut 20-nik ukioqarnissamik killiliinerup peerneqarnissaa.

2. Naammagittaalliuutip tunniunneqareerfissaatut killigitinneqartup erseqqissaatiginera, tamanna peqqussummi suliassaqarfimmut atuuttumi allassimangimmat.

Ataatsimiititaliap siunnersuummik suliarinninnera

Siunnersuut partiinit tamanit taperserpeqartoq ataatsimiititaliamit oqaatigineqassaaq. Isumaginninnermi perorsaasutut ilinniarneq pillugu Inatsisartut peqqussutaanni allanik allannguuteqartitsinissaq pisariaqartinneqarnersoq Atassutip kissaateqarneratigut ataatsimiititaliamit misissorneqarpoq. Tassunga atatillugu danskisuuani kapitali 9-mi misiliilluni aaqquussinernut tunngasumi naqinnerliugaq iluarseqqullugu Naalakkersuisut ataatsimiititaliamit qinnuigineqarput, tassani allassimalluni:

”§ 24. Landsstyret kan godkende sådanne afvigelser fra denne forordning, som muliggør for fugsordninger”.

Ima allassimasariaqaralarpoq:

§ 24. Landsstyret kan godkende sådanne afvigelser fra denne forordning, som muliggør for forsugsordninger”.

Tamatuma saniatigut allannguutissanik allanik saqqummiussinissaq ataatsimiititaliap pissutissaqarsorinngilaa. Inatsisartut peqqussutaani allanik allannguuteqartitsisoqarnissaanik kissaateqarnermik tusarniaanermut akissuteqaatit tiguneqartut imaqaannginnerat matumani oqaatigineqassaaq.

Inassuteqaat

Oqaaseqaatit siuliani allassimasut siullermeerinermilu saqqummiunneqartut tunngavigalugit siunnersuut akuersissutigineqassasoq ataatsimiititaliamit isumaqatigiittumit inassutigineqarpoq.

Taama oqaaseqarluni ataatsimiititaliap siunnersuut aappassaaniigassanngortippaa.

Harald Bianco

Debora Kleist

Andreas Uldum

Malik Berthelsen

Knud Kristiansen

